

Sertifikádu pa Inprézas Pikénu y Diversifikádu: É Apropiádu pa bu Inpréza?



Kumunidádi di Massachusetts sta inpenhádu na un pruséu di konpra justu, transparentu y konkritivu, ki ta garanti ma inprézas pikénu y diversifikádu ta inkluidu na redi di furnesimentu di Kumunidádi. Kontinua ta lé pa bu sabe si bu inpréza pode binifisia di sertifikason através di Gabeti di Diversidádi di Furnesidoris (SDO).

Kal ki é binifisius di sertifikason?

Sertifikádu di SDO sta dispunivel a kustu zéro pa bu inpréza. Inprézas sertifikádu ta resebe konviti pa iventus di formason, networking y matchmaking. Más inportáti inda, sertifikason ta abri pórtas pa partisipason di bu inpréza na kes três Prugrama Kumunitáriu li:

- **Prugrama di Diversidádi di Furnesidoris (SDP)** foi istabilisidu pa prumove diversidádi, igualdádi y inkluzon na kontratasón di stádu pa bens y sirvisus através di garantia di total partisipason di inprézas diversifikádu. Djobe kaixa na direita pa bu odja lista di katigurias di inprézas ilijível.
- **Prugrama di Konpra pa Pikénu Inpréza (SBPP)** ta viza inkuraja krisimentu di pikénu inprézas di Massachusetts. Mison konjuntu di kes prugrama li é aumenta opurtunidádis di nigósiu pa kes inpréza pikénu y diversifikádu.
- **Prugramas di Marketing Afirmitivu (Statal y Munisipal)** foi istabilisidu pa prupursiona opurtunidádi pa MBEs, WBEs, SDVOBEs na prujeson y konstruson di prédius di stádu y prédius finansiádu pa stádu.

SDO pode djuda bu inpréza resebe kes sertifikádu li:

- Inpréza Kumersial di **Minuria** (MBE) ô Organizason Sen Fin Lukrativu (M/NPO)
- Inpréza Kumersial di **Mudjer** (WBE) ô Organizason Sen Fin Lukrativu (W/NPO)
- Inpréza Kumersial **Purtugés** (PBE)
- Inpréza Kumersial di **Veteránu** (VBE)
- Inpréza Kumersial ditidu pa **Veteránu ku Difisiénsia di Sirvisu** (SDVOBE)
- Inpréza Kumersial ditidu pa Kumunidádi **LGBT** (LGBTBE)
- Pikénu Inpréza di **Massachusetts**

Kenha ki ten ilijibilidádi pa ser sertifikádu?

Ilijibilidádi ta dipende di direktivas di kada katiguria di sertifikason. Di forma jeral, direktor(is) (51% di propriedádi) di inpréza ki sta kandidáta pa sertifikason debe ser un ménbru di katiguria ilijíveli—un mudjer, ménbru di un grupu minoritáriu, ô un veteránu, pur izénplu. Direktor (is) tanbe debe mante kontrolu di inpréza komu un inpréza indipendenti y en funksionamentu. Sertifikason pa pikénu inpréza di Massachusetts ta dipende di lukalizason, tamánhu y númeru di funksionáriu di inpréza.

Bira Sertifikádu pa Gabeti di Diversidádi di Furnesidoris

1. **Vizita www.mass.gov/sdo/start** pa bu sabe kal sertifikádu pode sirbi bu inpréza midjor y kal ki é prósimus pásu ki bu debe toma.
2. **Rijistra bu inpréza na COMMBUYS.** Inskreve pa resebe alertas pa novus lisitason y sabe más sobri kontrátus a nivel statal. Si bu é un pikénu inpréza, aderi ô rinova bu partisipason na Prugrama di Konpra pa Pikénu Inpréza.
3. **Si bu é un inpréza di Massachusetts, sisti workshop di pré-sertifikason.** Konxe régras y rigulamentus en rilason apuséu di sertifikason y prugramas di diversidádi di furnesidoris.
4. Inprézas ki ka é di Massachusetts, pur favor vizita pájina di “Prugramas di Sertifikason” di SDO na www.mass.gov/sdo.
5. **Kandidáta pa sertifikason.** Djunta bu dukumentason y invia bu kandidatura pa análizi.
6. **Kumesa trabádja!** Sertifikason é apénas kumesu —piskiza putensial klientis, prende más sobri kontratasón, y kumesa prumove bu kabesa komu un inpréza diversifikádu.

Kontaktá-nu! Pa más informason sobri sertifikason, prugramas, pulitikas, y mudélu pa inprézas pikénu y diversifikádu, pur favor konsulta webpage di SDO na mass.gov/sdo. Pa más purgunta mandá-nu email pa Webmaster.SDO@mass.gov.

Supplier Diversity Office | One Ashburton Place | Boston, MA 02108 | 617-502-8843